

Lesa Uwabelama

Tulebelenga mu Kufuma 19:16-25, ifyo Mose aishile fuma mu mulola wakwa Lesa ne Cebo cakwa Lesa ca ilya nshita. Mose ali muli ici Cebo, ena alingile muli ici Cebo. Icebo calilembelwe kabili Mose alisangilwe ne ci Cebo mu mulola wakwa Lesa. Ena alikwete Icebo ca ilya nshita. Muli cila nshita mwaishile Icebo. Kabili caishile citika ukutla ilyo Mose aishile ika ukufuma pa Lupili Iwa Sinai – kabili ne fipapatu fibili fya mabwe mu kuboko kwakwe – ena taishibe ukutla inkanda ya cinso cakwe yalibalike pa mulandu ena ali landile na Wene. Kabili ilyo Aaron na bonse abana bakwa Israele ba mwene Mose, moneni, inkanda ya cinso cakwe yalibalike kabili bali no mwenso ukupalamina kuli wene (*Ukufuma 34:27-35*).

Icebo casangilwe muli wene, cali icateyanishiwa ukulangishiwa (mucine), ukupelwa ku bantu bakwa Lesa.

Lelo ni cinshi cacitike muli iyi nshita pa lupili Iwa kusansama kwa kasuba? – Ku bantu, Mose ali Icebo ca mweo; Icebo califishilwe, nangu cibe fyo. Muli Esaya 45:15 tulebelenga:

“Cine cine muli Lesa uwabelama, Mwe Lesa wa kwa Israele, Umupusushi (Kapokolola, Kafwa).”

Mose ali ifimbile umwine, ena alebika icifimbo pa cinso cakwe. Cinshi? Ena ali Cebo! Mpaka cilye Cebo calengelwe ukwishibikwa, Mose aliifimbile umwine. Bushe kuti twacimona? Ponse apali Icebo, cena cilafimbwa!

Pantu ubukata bwa musango filya bwali pali wene, Mose aliifimbile icinso cakwe. Bwali ubukata bwa cifyalilwa, pa mulandu wa cifyalilwa, ifunde lya lepwa. Lelo ubukata bwali ubukalamba nganshi, icakutila abantu bali pofushiwe kabili bena babikile icifimbo pa cinso cakwe. Cipulemo ifyo ici cili no kucita nomba! – Bulya bukata bwaishile fumapo, lelo ubu bukata tabwakatale fumapo. Mose alikwete ifunde lya bu mubili lya kusekwa, takwali ukusenamina. Lyena lyale bashinina fye, pantu ukupitila mu malango, ulubembu lwali bukulwike. Amalango ayapelwe pa bumi, yashininkishe ayene kuli bena pa mfwa (*Abena Roma 7*). Amalango tayakwete ukusenamina, yalangishe fye kuli bena ifyo bena bali.

“Awe ulubembu, pa kusanga apakwingilila mwi funde (amalango), lwacitile muli ine ulunkumbwa lwa misango yonse. Pantu ayabula amalango ulubembu nga luntu lwafwa...lelo ifunde ilyo lyaishile, ulubembu lwalibukulwike, na ine nalifwile...” (Abena Roma 7:8-10).

Tulebelenga ukutwalilila mu Bena Roma 5:20-21:

“Awe amalango ya sokelelemo, ukuti yakushe ukupuluka. Lelo uko ukubembuka kwakulile, e ko kusenamina kwafulishe, ukuti ifyo lubembu lwatekele mu mfwa, efyo no kusenamina kuteke (kubombe bucishinka bwa kwena) mu bulungami ku kutwala ku mweo wa muyayaya muli Yesu Kristu Shikulwifwe.”

Pantu nga bukapyunga bwa mfwa – amalango, ayapelwe pa Lupili Iwa Sinai ayacekelwe amalembo pa mabwe, yatendeke aya bukata, pakutula abana bakwa Israele bafilwa ukutontapo amenso pa cinso cakwa Mose pa mulandu wa bukata bwa kubalika ubwa ici cinso; ubo bukata ubwalefumuka: Bushe bukapyunga bwa mupashi tabwakabe mu bukata ubwacilishamo? *(11 Abena Korinti 3:7-18)*. Ee, nga bukapyunga bwa kuseka bwali atemwa bwali bwa bukata, pali bufi bukapyunga bwa bulungami bukacilishapo mu bukata. Pantu nga cilya cafumwike (icipangano ca ntanshi, amalango ya lubembu ne mfwa) yaliletelwe mu bukata, pali bufi ica kwikalilila cili no kuba no bukata ubwacilishamo!

Pali ilya nshita Lesa alibapele ifyo balekabilapo: amalango *(Ukufuma 19:7-9)*. Bena balingile ukuya mona kabili yalilandilwe kuli bena:

Wilacita bucende, wilaiba, wilashinina umubiyo ubunte bwa bufi...”

Bena bali no kumona cena no kusunga ici. Bena nalyo line balefwaya ukuicitila icintu cimo palwabo no kwipangila ishina pa lwabo abene (ukuilubula abene). Lelo bena teti bacicite ku maka yabo abene. Kabili ukupuluka mu malango lubembu, pantu Baibele itila:

“Umweo ubembuka, ukafwe” (Esekiele 18:20).

Kabili

“Pantu icilambu ca lubembu ni mfwa; lelo icabupe ca kwa Lesa mweo wa muyayaya muli Yesu Kristu Shikulwifwe” (Abena Roma 6:23).

Lelo ifwe ilelo tuli babomfi ba cipangano cipya, te ca malembo iyo, lelo cabu Mupashi. Pantu amalembo yalepaya, lelo Umupashi ulengo umweo (11 Abena Korinti 3:4-6).

Lelo aya te malembo nomba, lelo Mupashi wakwa Lesa wa mweo uyo uwisa pa Cebo icabulayo ca ino nshita, kabili Ena alaleta umulola wakwa Lesa wa mweo kabili ulelangisha cimo cine. Te fipapatu fibili fya mabwe, lelo umulola wakwa Lesa wa mweo ulesa mukumonekela. Lelo umusango umo wine bulya ubukata ubwafimbwa ku cifimbo ca cifyalilwa, umusango umo wine ubu bukata bwalifimbwa ku bashacetekela ku cifimbo ca bumupashi, ku fisumino fya bukapepa ne ntambi – icifimbo ca ntambi ca filonganino (11 Abena Korinti 4:3-4).

Ifyo caba cikankala ukwingila mu Mupashi wakwa Lesa kabili ukwishiba no kumona apo ifwe tufikile no kusanga ni mu ora nshi iyo ifwe tuleikalamo.

Lekeni tutontankanye lyonse: Ulutampulo lwa kubalilapo lwaba kabili luli no kutwalilila: Ingileni mu Mupashi wakwa Shikulu. Nalyo line cilebikwa Icebo ukufuma mu Kusokolola 4:1-2, *“Nina wise kuno, ndekulanga ifili no kwisabako apo papite ifi fintu.”* Lekeni naifwe bene tukwate uku kwishiba no kwikala muli kwena: *“Apo pene nali mu mupashi...”*

Ifyebo Fyakwe fyaba Mupashi kabili mweo (Yohane 6:63). Nga twafyalwa cipya cipya ku Mupashi wakwa Lesa ukufuma ku mulu, ifwe tulapula mu cipembe ukwingila Umwa mushilo umwashilisha, muli Yesu Kristu. Lyena ifwe tuli mu ncende sha bumupashi mu myulu muli Kristu Yesu (Abena Efese 2:4-7),

ukupilibwilwa mu bufumu bwa Mwana wakwe uwatemwikwa (*Abena Kolose 1:13*).

Ee, Lesa – amalango – alifimbilwe muli Mose, kasesema Wakwe wa ilya nshita, umulola wakwa Lesa wali muli wene. Lelo nalimo imyaka 2000 iyapitapo, Lesa – ukusenamina, ukutemwa kwa kwa Lesa – kwali mu mwisulo mu muntu, Umwana Wakwe Yesu Kristu, nacimbi etwa Immanuele, ico iciilulwa: Lesa na ifwe (*Mateo 1:23-25*). Ifwe tulebelenga muli 11 Abena Korinti 5:18-21,

“Awe fyonse fyafuma kuli Lesa, uwatuwikishishe ku mwine muli Kristu Yesu, no kutupela bukapyunga bwa kuwikishanya; e kutila, Lesa ali muli Kristu, alewikishisha aba pano isonde ku mwine, uku kanalinga kuli bene amampulu yabo; kabili apele kuli ifwe icebo ca kuwikishanya. E ico twabela Kristu abeminishi (inkombe mu cifulo cakwa Kristu), kwati ni Lesa e ulepapatila muli ifwe: tumulombela kuli Kristu atuti, shi muwikishiwe kuli Lesa ...”

Nakabili mu Bena Kolose 2:9-10.

“Pakutila muli wene (muli Kristu) e mwaikala umwisulo onse uwa Bulesa mu mubili. Kabili mwaba abaisushiwamo muli wene (ukufikilishiwa, ukuletwa mu mwisulo), uwaba e mutwe wa bu mulopwe bonse no lupaka lonse.”

Cena cali umwisulo wa kusenamina kwa kwa Lesa mu mwaume (*Yohane 1:1-4, 14-18*), Lesa ukumonekela

mu mubili (*1 Abena Timoti 3:16*), muli Yesu Kristu (*1 Yohane 5:19-20*). Lelo nomba ni Lesa mu bantu: umwisulo wa Mupashi ukupongololwelwa mu lukuta Lwakwe lonse (*Yoele 2:28*). Ena aleilangisha Umwine kabili alafikilisha Icebo Cakwe. Ifwe kuti twamona Lesa lyonse alikwata inkanda. Ilyo Mose amwene Wene, Ena ali mu nkanda lilya (*Ukufuma 33:12-23*). Ena amoneke ngo muntu. Ilyo Lesa ali kunuma ya mikupo ya basukusuku mwi tempile, Ena ali no mukupo ukushinguluka Wene. Kabili ilelo Lesa alipombwa mu nkanda mu Lukuta Lwakwe. Ena ali belama ku cinso ca bashacetekela no kusokolwelwa ku bacetekela. Umwana wa muntu (*Luka 17:30*) naisokololwela Umwine kabili nabwekela mu lukuta Lwakwe nakabili, kabili nomba nasokolwelwa mu bantunse, icakwikalamo Lesa ukupitila mu Mupashi (*Abena Efese 2:18-22*), ukutila Ena engaipela Umwine ulukuta lwa bukata, ilyo Wene talanina ku Mulalilo uwa Bwinga bwa Mwana wa mpaanga (*Abena Efese 5:25-27*). Kristu, icasubwa Icebo cakwa Lesa, malaika uwakosa wa Kusokolola 10:1, nabwela nakabili mu lukuta Lwakwe muli ishi nshiku shakulekelesha. Lelo abantu muli shilye nshiku tekuti bamone Ubukata bwa kwa Lesa, Ubukata bwa Shekina, ico icaba umulola umoneka wa Bukata bwakwa Lesa, pa mulandu umukupo wali fishile bwena. Kabili ilelo ubukata bwakwa Lesa bwaba kunuma ya nkanda yenu, kabili intambi ne cipasho ca muntu teti cimone cena ifyo Lesa ekala mwi tempile Lyakwe. Pantu tuli tempile lyakwa Lesa wa mweo (*11 Abena Korinti 6:16*). “Cinshi? Bushe tamwaishiba ukutila umubili wenu li tempile lya Mupashi wa Mushilo...” (*1 Abena Korinti 6:19-20 na 3:16-17*).

Ee, Mose aingile mu ntumba ya mulilo, kabili ilyo aishile fuma, ena ali ifimbile lyena. Ena aishile fuma uwafimbwa. Yehoba uwafimbwa mu musango wakwa kasesema. Icebo cakwa Lesa ukufimbwa mu muntu.

Ifyo caba icikankala ukwingila mu Cebo ca ino ora, mu Mupashi umo wine, mukati ka mulola Wakwe kabili no kuba uwamukosha muli cena! (*Yohane 15:1-8*).

Mose ali umuntu uwaibela ku bantu bakwa Israele. Kabili cipulemo ifyo ifwe twaba abaibela ku bashacetekela, nga twapita ukuciluka icipembe ukwisa mu mulola wakwa Lesa. Imwe namufimbwa nombu, kabili abashacetekela abasubwa no mupashi wa iyi nshita ye sonde tekuti beshibe cena (*Yohane 14:19*). Bena tekuti beluke ubumi bwenu, imisango yenu, insoselo shenu (*1 Abena Korinti 2:11-16*). Nga akale aya cifyalilwa – amalango – yali ayabukata, pali bufi ifyo cacilamo ku bukata lyena cikaba icakupapusha – ukusenamina kwakwa Lesa – kabili tabwakatale ukupwa! Nibanga, nangu cibe fyo, abaishiba inshila ya mutende? (*Abena Roma 3:16-30*).

Mose aishile ingila mu ntumba ya mulilo, takuli nangu umo uwingaya na ena. Ni finshi cilya cipilibula kuli ifwe? – Icakutla tekuti mutale mwingilemo ukuilunda ku lukuta. Ena tatala sokolola cena kwi bumba ilelo, lelo Ena alasokolola cena kuli umo umo; takwaba ama busokololo ye bumba. Cena cipilibula imfwa ku muntu onse, nga ena aesha ukupashanya Mose. Cena caba icintu cimo cine ilelo: Cena cikaleta imfwa ya bumupashi. Nga cena capashaniwa, pantu cena lyashi lya muntu umo. Cena ca kuli imwe na Lesa! *Imwe* mulingile ukwingila, te lukuta lwenu atemwa kacema wenu – *imwe!*

Ilyo Mose aishile isa na malango, Icebo cashininkishiwa ca ilya ora, ena ali umuntu uwapilibulwa lilya. E ico kanshi inkanda yenu kuti yaalulwa no kuba incende yakwikalamo Lesa, icikulwa cakwa Lesa (*1 Abena Korinti 3:3-9*).

Ingileni mukati ka mulola Wakwe kabili imwe nacimbi muli no kusangulwa – icifyalilwa cenu, ukakabila kwenu, ukukabila kwenu kuli no kupilibulwa. Ifintu fyakale nafipita, moneni, ifintu fyonse fyasanguka ifipya (*11 Abena Korinti 5:17*).

Ilibwe Ilya Kukulilako Ilya Bumupashi No. 78 ukufuma mu Cebo icasokololwa ica ino nshita lyatantikwa naba: Gerd Rodewald, Friedenstr. 69, D-75328 Schomberg, Germany. Nga mulefwaya utuma Buku natumbi lembeleni kuli ba Emmanuel Believers Fellowship P.O. Box 440185, Isoka. Cell No. 0966402048/0974367607

Kuleisa umo ne Mbila iyo ya tonta fye pali Baibele, kabili umulimo uwa mulubilo ukashinguluka isonde. Imbuto shikaya mu mapepala ye lyashi, mufya kubelenga, mpaka imbuto yonse iyalingilwa libela iyakwa Lesa ikomfwe Yena. (Munyina Branham mu, Conduct-Order-Doctrine“, page 724]